

YANGI O'ZBEKISTON

Ijtimoiy-siyosiy gazeta

№ 58 (1119), 2024-yil 21-mart, payshanba



www.yuz.uz



yuz.uznews



yuz_official



yuz.uz_news



yuz



Olam nurga to'lsin sen bilan, Navro'z!

BORLIQQA QAYTA JON BERGAYSAN, NAVRO'Z!



Bolaligimiz, o'quvchilik kezlirimiz bahor, ayniqsa, Navro'zning gashli o'zgacha edi. 15-20 kun avval atlas ko'ylak tiktirishdan boshlanajak xarxasha, sinflararo milliy taomlar musobaqasiga tayyorgarlik jarayoni ham zavqli edi. "Meni qiynamay, hammang bir xil taom olib boringlar", deb qo'yardi-yu, onam rahmatli besh bolaga

yo'q deganda 2-3 xil taom pishirganini bilmay qolar edi. Keng dalalarda chelak ko'tarib, beda, otquloq, jag'-jag' kabi bahor ne'matlarini terish zavqini his qilsam, hozir ham entikib ketaman. Yalpizni bahor yomg'iri suvini bo'tana qilgan ariqlar bo'ylaridan izlardik. Ayniqsa, yam-yashil bedazor yoki bug'doyzor oralab

Ota-bobolarimiz qahraton qishni ko'kka chiqib olish ilinjida o'tkazgan. Ko'kka chiqish bilan qir-adirlarda qo'y-qo'zi, echki-uloqlar uchun rizq ortishi odamlarning-da rizqini kengaytiradi. Sut-qatiq, yog' mo'l bo'ladi. "Un, yog', o'tin — ro'zg'or butun", deb bejiz aytmaydi kattalar. Yog' bo'lsa, un topilsa, dalada o'sgan shifobaxsh ko'katlar chuchvarayu somsaning ichida darmondoriga aylangan. Bahor kezlari qishloqqa borib qolsak, kelinlardan dalaga ko'k terгани boryapsizlarmi, deb so'rayman. "E, qiynalib nima qilamiz, bozorda arzimagan pulga hammasi bor-ku", deyishadi. Aslida, gap o'sha arzimagan pulda emas-da.

yurar ekanmiz, mayin bahor yomg'iri yuzlarimizni silaganida bog'cha bolasiday "Yomg'ir yog'aloq, yam-yashil o'tloq"ni aytib sakrar edik. Bu shodliklarning barini bizga bahor, Navro'z berardi.

Davomi 2-betda

Aholi turmush darajasi

DUNYOQARASHIMIZNI O'ZGARTIRAYOTGAN MANZILLI MAQSADLAR

Oilada farzand dunyoga keldi. U ota-ona quvonchi, el-yurtning kelajak vorisi. Tez orada u bog'chayu maktabda tarbiya topishi va o'qishi, keyin tahsilni oliy ta'lim dargohida davom ettirishi yoki biror kasb-hunarning etagidan tutishi zarur bo'ladi. So'ngra unda ishlash, oila qurish, uyli-joyli bo'lish kabi ijtimoiy-iqtisodiy shart-sharoitlarga ehtiyoj tug'iladi.

Bu bir oila misolidagi hayotiy zarurat. Uni butun bir mamlakat miqyosida tasavvur etsak, hududlarda aholining o'sish darajasidan kelib chiqqan holda qancha bog'cha, maktab, shifoxona, uy-joy qurish, zarur ijtimoiy infratuzilma va ish o'rinalari yaratish kabi masalalarni oldindan rejalashtirib ish yuritish taqozo etiladi. Bunda aholining qanchasi qishloqda yashaydi-yu, qanchasi shaharda, qanchasi erkak-u qanchasi ayol kabi jihatlar ham inobatga olinishi zarur. — Aholi turmush darajasi tushunchasi murakkab va ko'p qirrali bo'lib, uni tahlil qilishda bir qator statistik ko'rsatkichlar hisoblab

chiqiladi, — deydi Statistika agentligi boshqarma boshlig'i Umid Madaminov. — E'tiborlisi, kuzatuvlar O'zbekiston bu borada to'g'ri yo'lni tanlaganini ko'rsatmoqda. Ayni paytda yurtimizda yangi iqtisodiy imkoniyatlar vujudga kelyapti. Eng muhimi, fuqarolar o'z hayotida iqtisodiy o'sishni sezilarli darajada his qilyapti.

Prezidentimizning Oliy Majlis va xalqimizga yo'llagan Murojaatnomasida ta'kidlanganidek, yangi O'zbekistonda "ijtimoiy davlat" tamoyili asosida qurish insonlarga o'z salohiyatini ro'yobga chiqarish uchun teng imkoniyat, munosib hayot kechirish uchun zarur sharoit

yaratish, kambag'allikni qisqartirish maqsadlari belgilangan. "O'zbekiston — 2030" strategiyasiga muvofiq, 2026-yilga qadar kambag'allikni 2022-yilga nisbatan 2 barobar, 2030-yilga qadar esa keskin qisqartirish, kambag'allikka tushish xavfi mavjud 4,5 million aholi daromadini oshirish belgilandi.

Bunga erishish maqsadida ijtimoiy yordamdan oilani kambag'allik holatidan chiqarishga qaratilgan vosita sifatida foydalanish uchun davlat tomonidan berilayotgan kam ta'minlangan oilalarga bolalar nafaqasini ijtimoiy shartnoma tuzish orqali taqdim etish tizimi yo'lga qo'yildi. Ijtimoiy shartnoma tuzishda mablag'larni inson kapitalini rivojlantirishga yo'naltirish maqsadida bolalarning maktab, maktabgacha ta'lim va boshqa ta'lim muassasalariga ta'limi shartlari ishlab chiqildi. Eng asosiysi, minimal iste'mol xarajatlari qiymatini inflyatsiya darajasidan kelib chiqib, indeksatsiya qilib borish, aholi

daromadi va xarajatlarining o'zgarishini inobatga olgan holda kamida har besh yilda uning qiymatini qayta ko'rib chiqish va ushbu miqdordan kelib chiqib, ijtimoiy nafaqalarni va eng kam pensiya miqdorini belgilash tizimini qo'llash joriy etildi. Amalga oshirilgan chora-tadbirlar va maqsadli ko'rsatkichlar ijrosi har yili baholanadi hamda 2030-yilgacha bo'lgan maqsadlarga erishish uchun unga tegishli o'zgartirishlar kiritish haqida Vazirlar Mahkamasiga takliflar beriladi.

2023-yilda O'zbekistonda iqtisodiy o'sish 6 foiz ortdi. Bu bugungi iqtisodiy inqiroz jarayonida katta yutuq. Kambag'allikni 14 foizdan 11 foizga qisqartirishga erishildi.

Davlat tomonidan statistika sohasi isloh qilinib, kuzatuvlar o'tkazishga alohida e'tibor qaratilyapti. Aholi turmush darajasini kuzatish ana shunday ishlar sirasiga kiradi.

Davomi 4-betda

22-mart — Mahalla tizimi xodimlari kuni



"EZGULIK — SHIORIMIZ, MA'RIFAT — QUROLIMIZ"

g'oyasi mahallalar hayotida muhim o'zgarish va yangilanishlarga zamin bo'lajak

2020-yildan buyon yurtimizda 22-mart — Mahalla tizimi xodimlari kuni sifatida nishonlab kelinmoqda. Bu xalqimizning insoniyat tafakkuri rivojiga qo'shgan ulushini butun dunyo bo'ylab namoyish etish, mahalla bilan bog'liq boy ma'naviy merosimizni qayta tiklash va bardavomligini ta'minlashga xizmat qilmoqda.

Keyingi yillarda o'zini o'zi boshqarishning noyob tizimini chinakam xalq vijdoniga aylantirish, huquq va vakolatlarini kengaytirish, moddiy-texnik bazasi va kadrlar salohiyatini mustahkamlash borasida tizimli ishlar qilinmoqda. Xususan, mahallalarda ma'naviy-ma'rifiy islohotlar bilan bir qatorda aholi bandligini ta'minlash, ijtimoiy himoyaga muhoj oilalarga manzilli yordam ko'rsatish, ishsizlarni zamonaviy kasb-hunar va tadbirkorlikka o'qitish, kambag'allikni qisqartirish bilan bog'liq keng qamrovli chora-tadbirlar ko'rilmog'da.

O'zbekiston mahallalari uyushmasi raisi **Qahramon QURONBOYEV** bilan shubhatimiz yurtdoshlarimiz hayotida ro'y berayotgan ana shunday yangilanishlar, mahalla instituti mavqeini yuksaltirishga oid huquqiy va amaliy ishlar, mahallaboy ishlash tizimi samarasi, milliy urf-odatlarimizni asrab-avaylash, kelajak avlodlarga asl holicha yetib borishiga qaratilgan yangicha tashabbus va loyihalar xususida bo'ldi.

— Mahalla tizimidagi o'zgarishlar yurtimizdagi ma'naviy evrilish, ijtimoiy-iqtisodiy yuksalish jarayonida qanday iz qoldirmoqda?

— Yangi O'zbekistonda barpo etish, milliy yuksalish poydevorini yaratishga qaratilgan hayotbaxsh islohotlar yildan yilga kengayib, yangicha ma'no-mazmun bilan boyib boryapti. Ushbu jarayonda xalqimizning faol ishtirokini ta'minlash, erkin fuqarolik jamiyati, buyuk va qudratli davlat poydevorini yurtdoshlarimiz bilan birga qurish yo'lida dadil qadam tashlanaypti. Bunday ezgu maqsadlarga erishishda mahalla institutining o'rmi muhim. Shu bois, odamlarning quvonch-u tashvishidan doimo xabardor bo'lish mahallaning asosiy vazifasi ekani bot-bot aytiladi. Mahalla xalq bilan davlat o'rtasidagi ko'priklari bo'lishi kerakligi ta'kidlanib, bu yo'nalishdagi ishlarni tashkil etishning huquqiy va tashkiliy jihatlarini yildan yilga takomillashmoqda.

Davomi 3-betda

Yetuklik ostonasida

MUVAFFAQIYAT O'Z-O'ZIDAN KELMAYDI

Maktabimizda mexanizatorlik yo'nalishida kasb-hunar o'rgatilgan. Shu bois, texnikaga qiziqqan sinfdosh qizlarimiz ko'pchilikni tashkil qilardi. Bu yo'nalishdagi bilim va salohiyati bilan o'g'il bolalardan aslo qolishmasdi. Ammo ularning traktor rulini boshqarish havasi orzuligicha qolib ketdi. Chunki ko'plab ota-onalar mexanizator, qurovchi bo'lish, yuqori unumli texnika boshqarishni qiz bolaga xos bo'lmagan kasb sifatida baholagan. Natijada aksariyat qizlar hamisha kichik tarbiyachi, oshpaz singari barmoq bilan sanarli kasb sirlarini o'rganish bilan cheklangan. Ularning ko'pchiligi tanlagan kasb sohalarida tayinli ish topa olmay, sarson bo'lgani ham bor gap.



Bu eskicha qarash va tushunchalar bugun o'zgardi. Yigitlar kabi qirq hunar egasi bo'lib, hayotda o'rini topish, yurt taraqqiyoti, farovonligiga munosib hissa qo'shish yo'lida izlanayotgan, iqtidorli qizlar safi kundan kunga kengayib bormoqda.

Farg'ona politexnika instituti 4-bosqich talabasi Muhayyoxon Yo'ldosheva yaqinda Zulfiya nomidagi davlat mukofoti bilan taqdirlandi. Talaba qizning bunday yuksak e'tibor va e'tirofqa loyiq topilgan bejiz emas, albatta.

Davomi 5-betda

Tomorqachilik

DEHQON HAMISHA IZLANISHDA BO'LISHI KERAK

Nurutada Quvondiq Fayzanovni barcha taniydi. Dehqonchilik hadisini olgan bobo bugungi kunda ham tomorqasidan unumli foydalanish borasida tumandoshlariga o'rnak. Ayni vaqtda xonadonidagi issiqxonasida limonlar g'arq pishgan, to'qsonbosti ekinlar baravj unmoqda, bo'sh yerga esa ertaki ekinlar ekilgan.

Dehqonchilikda, xususan, tomorqadan samarali foydalanish borasida Navoiy viloyatining har bir hududi o'ziga xos tajribaga ega. Aslida, ona zaminimiz unumdor va serhosil. Faqat mehnat qilib, unga e'tibor ko'rsatilsa, mo'l hosil olib, yaxshigina daromad ko'rish mumkin. Aholi tomorqalarini esa bitmas-tuganmas

xazinaga qiyoslasa arziydi. Sababi, bugungi sharoit va imkoniyatlardan unumli foydalangan holda bir yilda 2-3 martagacha hosil yig'ib olsa bo'ladi. Nurota tumanida yashovchi mirishkorlar ham buning uddasidan chiqmoqda.

Davomi 4-betda

Boqiy meros

El an'anasini ulug'lash san'ati



6

